

Suliarinninnerit Kalaallit Nunaanni pisortat ingerlatsiviinit suliarineqartut ilaannik nalunaaruteqartussaataanerup atuutinneqannginnissaanik nalunaarut.

Inunnik paasissutissanik suliarinnittarneq pillugu inatsimmi, inatsit nr. 429, 31. maaji 2000-meersumi, § 44, imm. 2, aamma § 44, imm. 4 naapertorlugu, nalunaarut nr. 1238, 14. oktober 2016-imeersukkut Kalaallit Nunaannut atuutilersinneqartukkut, aalajangersarneqarpoq:

Kapitali 1

Aalajangersakkat nalinginnaasut

§ 1. Inunnik paasissutissanik elektroniskiusumik (qarasaasiakkut suliarinninneq) aamma elektroniskiunngitsumik tamakkiisumik ilaannakortumilluunniit, nalunaarsuiffimmut ilanngunneqareersunik ilanngunneqartussanilluunniit, suliarinnittarnermut nalunaarut una atuuppoq.

§ 2. Suliarinninnerit paasissutissanik isertuussassanik ilaqanngitsut inunnik paasissutissanik suliarinnittarneq pillugu inatsimmi § 43-mi nalunaaruteqartussaataanerumut ilanngunneqanngillat.

Imm. 2. Suliarinninnerit imm. 1-imi taaneqartut aammattaaq – nalunaaruteqaqqaarani – kinaassuseq pillugu paasissutissanik ilaqartinneqarsinnaapput, tassunga ilanngullugu inuttut normu aamma pisortat oqartussaasuinut tassanngaanniillu akiliutit pillugit paasissutissat, inatsimmi § 45, imm. 1-imi taaneqartutut suliarinninneq pineqanngippat.

§ 3. Suliarinninnerit taama ittut nalunaarummi matumani kapitali 2-mi taaneqartut aammattaaq nalunaaruteqartussaataanerumut ilanngunneqanngillat, suliarinninnerit inatsimmi § 45, imm. 1-imi ilaatinneqanngippata.

Imm. 2. Suliarinninnerit imm. 1. naapertorlugu nalunaaruteqartussaataanerumut ilanngunneqanngitsut aammattaaq - nalunaaruteqaqqaarani – paasissutissanik isertuussassanik ilaqanngitsunut tamanut atuussinnaapput, tassunga ilanngullugu inuttut normu aamma pisortat oqartussaasuinut tassanngaanniillu akiliutit pillugit paasissutissat, inatsimmi § 45, imm. 1-imi taaneqartutut suliarinninneq pineqanngippat. 1.

§ 4. Paasissutissat §§ 2-mi aamma 3-mi taaneqartutut suliarineqartut pisortat oqartussaasuinut, inunnut ataasiakkaanut, suliffeqarfinnut, peqatigiiffinnut, ingerlatsivinnut assigisaannulluunniit tunniunneqarsinnaapput, inunnik paasissutissanik suliarinnittarneq pillugu inatsimmi suliarinninnerumut malittarisassat eqqortinneqarsimappata. Paasissutissat aamma qarasaasiakkut paasissutissanik suliarinnittartumut tunniunneqarsinnaapput.

Imm. 2. Oqartussaarfik qarasaasiakkut paasissutissanut akisussaasuusoq tiguisussat pillugit, imaluunniit tiguisussat immikkoortiterlugit, paasissutissanik tunniussiffineqarsinnaasunik, nalunaarsuummik suliaqassaaq.

§ 5. Paasissutissat §§ 2-mi aamma 3-mi taaneqartutut suliarineqartut toqqortarineqarsinnaapput paasissutissat suliarineqarnerannut siunertarineqartoq eqqarsaatigalu piffissaq pisariaqartinneqartoq naapertorlugu sivisussusilimmik. Paasissutissat tamatuma kingorna peerneqassapput, imaluunniit allagaateqarnerumut inatsit naapertorlugu malittarisassat malillugit allagaataasivimmut tunniunneqassallutik.

Imm. 2. Oqartussaqaarfik paasissutissanut akisussaasuusooq paasissutissat peerneqarnissaannut piffissamik aalajangersaassaaq, tamatumunngalu uppersaammik toqqortaateqassalluni.

Imm. 3. Oqartussaqaarfik paasissutissanut akisussaasuusooq ikinnerpaamik ukiumut ataasiarluni misissuisassaaq, paasissutissanik oqartussaqaarfiup suliassaasa isumaginissaannut pisariaqartinneqanngitsunik suliaqannginnissaq qulakkeerniarlugu.

Kapitali 2

Suliarinneriaatsit

Avatangiisimut nukissiuuteqarnermullu periutsit

§ 6 Suliarinninnerit, avatangiisimut, pinngortitap illersorneqarnissaanut, eqqaaveqarnermut, aatsitassanut, piniarnermut aamma nukissiuuteqarnermut inatsit naapertorlugu nakkutilliinermit misissuinerimullu atatillugu suliarineqartut, aamma inuussutissarsiummik ingerlatallit pillugit paasissutissat tulliuttumi taaneqartut saniatigut allanik ilaqartinneqanngitsut, taamaattorli takuuk § 3, imm. 2:

- 1) Paasissutissat imermik, nukissamik, atortussiassanik, eqqakkanik assigisaannilluunniitpissarsinermit atuinermulluunniit tunngasut.
- 2) Paasissutissat avatangiiseq pillugu sulianut, avatangiiseq pillugu akuersissutinut, avatangiiseq pillugu tapiissutinut aamma tapersiisarnernut allanut, maangaannartitsinissamut akuersissutinut, peqqussutinut aamma inerteqqutinut nalunaarutigineqarsimasunut assigisaannulluunniit tunngasut.
- 3) Paasissutissat misileraalluni piiiaanernut ingerlanneqarsimasunut aamma misileraallunipiiiaanissamik pilersaarutinut, tassunga ilanngullugit misissueqqissaarnermi inerniliussanut, misileraanermi periutsinut assigisaannulluunniit tunngasut.
- 4) Paasissutissat ingerlatsinermit aamma niuernermit tunngasut, tassunga ilanngullugit aningaasaqarnermit aamma sulisut amerlassusiannut tunngasut.

Inuussutissanut, nunalerinermit aamma aalisarnermit periutsit

§ 7. Suliarinninnerit, nunalerinermit, aalisarnermit, nersutit nakorsaqaarnermit aamma inuussutissanut inatsit naapertorlugu nakkutilliinermit misissuinerimullu atatillugu suliarineqartut, aamma inuussutissarsiummik ingerlatallit pillugit paasissutissat tulliuttumi taaneqartut saniatigut allanik ilaqartinneqanngitsut, taamaattorli takuuk § 3, imm. 2:

- 1) Paasissutissat nunamik atuinermut tunngasut, tassunga ilanngullugit narsaatinut, uumasuuteqarnermik ingerlatsinermit kiisalu taakku aqqissuunneqarnerannut tunngasut.
- 2) Paasissutissat aalisariutinut, atortunut aamma pisanut tunngasut.
- 3) Paasissutissat aalisariutinik piginnittuunermit, nunamik atuinermut aamma suliffeqarfinnut tunngasut.
- 4) Paasissutissat piginnaatitsissutinut, akuersissutinik tunniussinernut, akuersissutinut assigisaannulluunniit tunngasut.
- 5) Paasissutissat peqqussutinut aamma inerteqqutinut nalunaarutigineqarsimasunut assigisaannulluunniit tunngasut.
- 6) Paasissutissat misileraalluni piiiaanernut ingerlanneqarsimasunut aamma misileraalluni piiiaanissamik pilersaarutinut, tassunga ilanngullugit nakkutilliinermit misissueqqissaarnermilu inerniliussanut, misileraanermi periutsinut assigisaannulluunniit tunngasut.

- 7) Paasissutissat ingerlatsinermut aamma niuernermit tunngasut, tassunga ilanngullugit aningaasaqarnermut aamma sulisut amerlassusiannut tunngasut.

Imarsiornermut periutsit

§ 8. Suliarinninnerit, imarsiornermut inatsit naapertorlugu nakkutilliinermut misissuinemullu, kiisalu imaatigut ajutoortoqartillugu misissuinermit atatillugu suliarineqartut, aamma umiarsuaatilik imaluunniit umiarsuup inuttai pillugit paasissutissat tulliuuttumi taaneqartut saniatigut allanik ilaqartinneqanngitsut, taamaattorli takuuk § 3, imm. 2:

- 1) Paasissutissat umiarsuarnut tunngasut, tassunga ilanngullugit taakku sananeqarnerannut, teknikkikkut paasissutissartaannut, atortuinut, inuttaanut aamma ingerlanneqarnerannut tunngasut.
- 2) Paasissutissat umiarsuarnik piginnittuunermut tunngasut.
- 3) Paasissutissat imarsiorsinnaanermut uppersarsaatitut, angalanissamut akuersissutinut, umiarsuup angissusiata paasissutissartaanut uppersarsaammut, akuersissutinut assigisaannullu tunngasut.
- 4) Paasissutissat peqqussutinut aamma inerteqqutinut nalunaarutigineqarsimasunut assigisaannulluunniit tunngasut.
- 5) Paasissutissat umiarsuarnik misissuilluni ingerlanneqarsimasunut aamma misissuininnaat pilersaarutigineqartunut tunngasut, tassunga ilanngullugit misissuinerit taakku inernerit.

Akuersisarnermut periutsit

§ 9. Suliarinninnerit, akitsuuserinermut, akileraartarnermut, akitsuuteqartitsinermut inatsit naapertorlugu akuersissutinik tunniussinermut il.il suliaqartarnermut atatillugu suliarineqartunut tunngasut, aamma inuussutissarsiummik ingerlatallit pillugit paasissutissat tulliuuttumi taaneqartut saniatigut allanik ilaqartinneqanngitsut, taamaattorli takuuk § 3, imm. 2:

- 1) Paasissutissat piginnaatitsissutinut, akuersissutinut tunniunneqartunut, akuersissutinutaamma qularnaveeqqusiissutinut assigisaannulluunniit tunngasut, akuersissummik tunineqartup kinaassusianik, akuersissummut tunniunneqartumut, qularnaveeqqusiissummut aamma ajornangippat akuersissutinut tunniunneqartunut assigiinngitsunut tamanut atuinermut naatsorsuutinut il.il tunngasut.

Sulisoqarnikkut allaffissornermi periutsit

§ 10. Suliarinninnerit, sulisunut tunngatillugu allaffissornikkut suliarineqartunut tunngasut. Suliarinninnerit inuit pisortani sulisut imaluunniit sulisimasut pillugit paasissutissanik tulliuuttumi taaneqartunik ilaqarsinnaapput, taamaattorli takuuk § 3, imm. 2:

- 1) Paasissutissat napparsimalluni takkutinngitsoornermut aamma piffissanut napparsimaffinnut tunngasut.
- 2) Allamik peqquteqarluni sulinnginneq pillugu paasissutissat.
- 3) Soraarnerussutisianut tunngasut.
- 4) Isertitanit akileraarutit pillugit paasissutissat.
- 5) Kontonormu akissarsianut ikisiffissaq pillugu paasissutissat.
- 6) Akissarsianik unerartitsineq, unerartitsinermut pissutaasoq pillugu paasissutissat ilanngunnagit.
- 7) Suliunnaarnermut pissutaasoq pillugu paasissutissat.

Atuartitsinermut periutsit

§ 11. Suliarinninnerit, atuartitsinerup aqunneqarneranut piareersarneqarneranullu atatillugu suliarineqartut, aamma angajoqqaatut akisussaataasut sulisullu pillugit paasissutissanik isertuussassanik ilaqanngitsut, aamma atuartut pillugit paasissutissat tulliuuttumi taaneqartut saniatigut allanik ilaqartinneqanngitsut, taamaattorli takuuk § 3, imm. 2:

- 1) Soraarummeernermi angusat aamma naliliiffigineqarnerit.
- 2) Paasissutissat napparsimalluni takkutinngitsoornermut aamma piffissanut napparsimaffinnut tunngasut.
- 3) Paasissutissat napparsimalluni takkutinngitsoornerup saniatigut takkutinngitsoornernut allanut pissutaasunut tunngasut.
- 4) Paasissutissat atuartitsinermi immikkut aaqqiissuteqarnermut tunngasut, aamma atuartitsinermi immikkut akuersissutinut tunngasut, tassungali pissutaasumut paasissutissat ilanngunnagit.

Atuagaateqarfilerineri periutsit

§ 12. Suliarinninnerit, atuagaateqarfinni atukkiussinermut atatillugu suliarineqartut, aamma atuakkanik atortoq pillugu tulliuuttumi taaneqartut saniatigut paasissutissanik allanik ilaqartinneqanngitsut, taamaattorli takuuk § 3, imm. 2:

- 1) Paasissutissat atuakkanik atortumut atugaanullu tunngasut, atornerup naammassineqareernerani atukkiinernut ataasiakkaanut aamma atuakkanik atortoq pillugu atassusiineq kingusinnerpaamik sapaatit akunnerisa sisamat ingerlanneranni peerneqarpat. Kiffartuusseriaaseq immikkut ittoq atorlugu atukkiussinermi atuakkanik atortup atsiormermigut akuersineratigut nalunaarsuineq ukiut tallimat tikillugit atatiinnarneqarsinnaavoq.
- 2) Atorniartartunik mattussineq, tassungali pissutaasumut paasissutissat ilanngunnagit.

Upalungaarsimanissamut il.il periutsit

§ 13. Suliarinninnerit, annaassiniarnissamut upalungaarsimasussani sulisunut tunngatillugu sulinissamut aamma piareersimanissamut pisussaaffeqarnermut atatillugu suliarinninnerit, aamma tulliuuttumi taaneqartut saniatigut paasissutissanik allanik ilaqartinneqanngitsut, taamaattorli takuuk § 3, imm. 2:

- 1) Timikkut ilisarnaateqarneq.
- 2) Nalilerneqarnerit.
- 3) Sulinermi atugassarititaasut.

§ 14 Suliarinninnerit, illuutitut ikuallattoornissamut navianaateqartunut atatillugu nakkutiginninnermik aqutsinissamut atatillugu suliarineqartunut, aamma illumik piginnittoq imaluunniit atuisoq pillugu tulliuuttumi taaneqartunik paasissutissanik taamaallaat imaqartoq, taamaattorli takuuk § 3, imm. 2:

- 1) Illuut pillugu paasissutissat, tassunga ilanngullugit ikuallattoqarnerani qamisaaernermit atortut, ikuallattoqarnerani kalerrisaarutit assigisaallu.
- 2) Ikuallattoornissamut isumannaallisaanermik misissuinerit aamma misissuinissamik pilersaarutit pillugit paasissutissat.

Pisortat kiffartuussisarneranni periutsit

§ 15. Suliarinninnerit, nerisassanik pajuttuinerup aqunneqarneranut atatillugu suliarineqartut, aamma inuit nerisassanik pajunneqartartut pillugit tulliuttumi taaneqartut saniatigut paasissutissanik allanik ilaqartinneqanngitsut, taamaattorli takuuk § 3, imm. 2:

- 1) Suliffeqarfiup taaguutaa.
- 2) Paasissutissat nerisanut tunngasut.

§ 16. Suliarinninnerit, pisortat suliffeqarfiutaannut il.il utaqqisut allattorsimaffianik suliaqarnermut atatillugu suliarineqartut, aamma qinnuteqartoq imaluunniit meeraq pillugu tulliuttumi taaneqartut saniatigut paasissutissanik allanik ilaqartinneqanngitsut, taamaattorli takuuk § 3, imm. 2:

- 1) Suliffeqarfiup qanoq ittuunissaanik, inissisimaffianik, piffissaliussanik il.il immikkut kissaatigineqartut pillugit paasissutissat.

Kapitali 3

Atuutilersitsineq

§ 17 Nalunaarut atuutilerpoq ulloq 1. decembari 2016.

Justitsministeriet, ulloq 29. november 2016

SØREN PAPE POULSEN

/ Jakob Lundsager